

ՄՈՒՎՅԱՆ ԳՅՈՒՂԻ ԱՍՏՎԱՆԱԾԻՆ ԵԿԵՂԵՑԻՆ  
ԵՎ ԱՐՁԱՆԱԳՐՈՒԹՅՈՒՆՆԵՐԸ

Մուսվյան գյուղը Ապարանի շրջանի հնագույն գյուղերից է, գտնվում է Սաղկունյաց լեռնաբազուկներից մեկի ստորոտին, լեռնային գետակի աջ կողմում: Հնում գյուղը կոչվել է Եղիպատրուշ: Այստեղ է ծնվել Եսայի Ա Եղիպատրուշացի կաթողիկոսը (775—788)<sup>1</sup>: XVII դարի սկզբներին, երբ Շահ-Աբասը բնակչությանից դատարկեց նաև Ապարանը, գավառի հայկական գյուղանունները կամայականորեն պարսկացվեցին: Եղիպատրուշը սկսեց կոչվել Տամշիլու: 1644 թ. արտագրված մի ձեռագրում Սահակ գրիչը հավելել է «Այս են անունք Նիգ գաւառին, որ ասի Ապարանք» գրութը, որտեղ 12-րդ կարգում գրել է. «Եղիպատրուշն Փամշիլու ասի»<sup>2</sup>: Փամշիլուն Տամշիլուն (Տամշիլու) կարող էր դառնալ մեծատառ Փ-ն Տ կարդալու հետևանքով:

Պատմական Եղիպատրուշ (այժմ՝ Մուսվյան) գյուղը հարուստ է պատմա-ճարտարապետական հուշարձաններով: Գյուղի գերեզմանոցում մնում է բաղիլիկ եկեղեցու հյուսիսային պատի մի հատված: Պսակի ոճից երևում է, որ այն V դարից ուշ կառուցված չի կարող լինել: XIII դարում հին եկեղեցուց մոտ հարյուր մետր հեռու, արևմտյան կողմում, հիմնադրվել է եկեղեցական նոր համալիր. կառուցվել է կաթողիկե եկեղեցի և գավիթ: Կաթողիկե եկեղեցին բավականին ընդարձակ է: Այն դրսից քառակուսի, ներսից խաչաձև կառուցվածք է: Գմբեթը հենված է կողմնային պատերից բարձրացող թռիչք-հենարանների վրա: Եկեղեցուն խաչաձևություն է հաղորդում կառույցի շրջանակուններում տեղադրված կրկնահարկ խորանների համակարգը: Կաթողիկե եկեղեցու գմբեթի սրածայր վեղարը քանդված է: Արևմտյան պատի դրսի երեսպատման քարերի մի մասը քանդվել-թափվել է, այդ կողմից պատը ձեղքվածքներ ունի: Եկեղեցու մյուս պատերն ամբողջական են: Ներսի պատերին որմնանկարներ են եղել, որոնցից մի փոքրիկ հատված պահպանվել է արևմտյան պատին (նկ. 1):

Արևմուտքից եկեղեցուն կից կառուցված է ընդարձակ գավիթը, որի ծածկը և հարավային պատն ամբողջովին քանդված են, կան-

գուն են միայն հյուսիսային և արևմտյան շքարդան պատերը: Պահպանված մնացորդները թույլ են տալիս ասելու, որ այն պատկանում է քառասյուն գավիթների տիպին: XIII դարի մյուս գավիթներից Մուսվյանի գավիթը տարբերվում է աչքի ընկնող հավելյա-



Նկ. 1

ծով. նրա և կաթողիկե եկեղեցու միացման մասում, գավթի ծածկի երկու անկյուններում, կրկնահարկ ավանդատների ծածկի վրա կառուցված են երկու փոքր եկեղեցիներ, որոնք քառանիստ կառուցվածք են: Այսպիսի հավելված ունի նաև Աշտարակի շրջանի Տեղեր գյուղում Մամախաթուն Վաչատրյանի կառուցած գավիթը: Սակայն Տեղերի եկեղեցում գավթի կտուրի վրա կառուցված փոքրիկ եկեղեցիները գտնվում են գավթի շքարդան անկյուններում՝ անմիջապես ծածկի վրա: Մուսվյանի կաթողիկե եկեղեցին և գավիթը ունեն շրջակայան ավանդատուն-խորաններ (չենք հաշվում գավթի կտուրի վրա կառուցված փոքրիկ եկեղեցիները):

Մուսվյանի միջնադարյան եկեղեցական համալիրի մասին մեծանուն Թորոս Թորամանյանը 1928 թ. ապրիլի 3-ին Հայաստանի հնությունների պահպանության կոմիտեի գիտնական քարտուղար Ա. Քայանթարյանին գրել է. «Ձեռ հայտնի է անշուշտ, որ եկեղեցին ունեցել է ի հնումն մի հոյակապ գավիթ և եկեղեցիի արև-

1 Մ. Օրմանյան, Աղգապատում, հ. 1, Կոստանդնուպոլիս, 1912, էջ 893—906:  
2 Մաշտոցի անվ. Մատենադարան ձեռ. № 2180, էջ 416բ:  
3 Տամշիլուն 1935 թ. հունվարի 3-ին վերանվանվել է Մուսվյան:  
19 Հանդես, № 3





մըտյան երկու անկյունների վրա (զավթի—վ. Պ.) երկու բարձր զանգակատներ (?)՝ ուժանական եկեղեցիների նման: Գավիթը այժմ ամբողջովին փրած է, նույնպես զանգակատներն մեկը գրեթե ամբողջովին, իսկ մեկը՝ կիսով շափ: Շենքը ըստինքյան բոլորովին բացառիկ արժեք և նշանակություն ունի ճարտարապետական տեսակետով, որուն վրա արժե, որ Կոմիտեն առանձին հոգածություն ունենա՞: Մեկ այլ առիթով Թ. Թորամանյանը գրել է. «...պետք է խոստովանել, որ բավականին հոյակապ եկեղեցի եղած է... և մեծ ծախքերով իրագործված»:

Կաթողիկե եկեղեցու, ինչպես նաև զավթի պատերին շինարարական որևէ արձանագրություն չի պահպանվել: Այդպիսին թերևս փորագրված է եղել կաթողիկե եկեղեցու մուտքի բարավորին: Սակայն ճակատակալ քարը ամբողջովին քայքայվել է և միայն արձանագրություն առաջին երկու տողերի վերջին մեկ-երկու տառերն են երևում: Նման պայմաններում դժվար է որոշակիորեն նշել կառուցման ժամանակը: XIII դարի այս եկեղեցական համալիրի կառուցման ժամանակը ճշտելուն կարող է օդնել սկզբնապես կաթողիկե եկեղեցու հարավային դրսի պատի երեք քարերի վրա փորագրված արձանագրությունը, որի առաջին մասը պարունակող երկու քարերը այժմ գտնվում են կաթողիկե եկեղեցու ներսում: Արձանագրությունը փորագրվել է ՈՄԷ (1208) թ.: Թվագրված արձանագրությունը թույլ է տալիս ասելու, որ կաթողիկե եկեղեցին կառուցվել է XIII դարի 10—20-ական թթ.Ս Արագածոտնի, Նիգի տեր, Վաչուտյան իշխանական տան հիմնադիր Վաչե Վաչուտյանի օրոք: Կարծում ենք նաև, որ զավթի թղթ կառուցվել է դարի 20-ական թթ. վերջերին՝ Տեղերի զավթին զուգընթաց: Անշուշտ, ժամանակակից լինելով են բացատրվում նաև այս կառույցների վրա կատարված հավելումները՝ զավթիների ծածկերի վրա կառուցված զանգակատները:

Մատենագրության մեջ եկեղեցական այս համալիրի մասին ոչ մի տեղեկություն չի պահ-

պանվել: Անցած դարի սկզբներին Հովհաննես Եպիսկոպոս Շահխաթունյանցի արտագրած, բայց այժմ կորած<sup>7</sup> արձանագրության համաձայն եկեղեցին կոչվել է Աստվածածին: Ահա այդ արձանագրությունը. «Ես՝ Սոզկ աշտարակեցի ետու զիմ այգիս յԱ[ստուա]ծածնիս և սպասաւորք սորին հաստատեցին ի տարին Ե (5) աւր պատարագել զՔ[րիստո]ս»<sup>8</sup>:

1976 թ. սկսվել ու արդ թափով առաջ են տարվում միջնադարյան այս հոյակապ կառույցի վերանորոգման-ամրացման աշխատանքները:

Մուսվյանի V դարի և միջնադարյան եկեղեցական կոմպլեքսների շրջապատում կանգնեցված են խաչքարեր, եկեղեցիների շրջակայքում կան վաղ միջնադարյան, ինչպես նաև XVII—XVIII դդ. գերեզմանոցներ:

Ստորև ներկայացնում ենք Մուսվյանի հնավայրերից մեր հավաքած վիմագիր արձանագրությունները, վերահրատարակելով նաև Շահխաթունյանցի հրատարակած երկու թերի արձանագրությունները:

Աստվածածին կաթողիկե եկեղեցի: Հարավային դրսի պատից բնկած և այժմ եկեղեցու ներսում գտնվող երկու քարերի վրա (զծ. I, 1).

Ի թուիս ՈՄԷ (1208) կամաւ լբար]երարին ԱՅ Ես՝ Մխիթար Նոս... (...միաբանեցա եկե-)ղեցոյս ևւ զիմ հոգեպահուստ ետու սոցա: Եւ սպասաւորք (սորա խոստացան պատարագել զՔ[Մ]) ի տաւնի Եղիական շաբաթ աւրն: Կատարիչը հրամանաց (մերոց աւրհանալ եղիցին, ևւ որք խափանե, մեր]) մեղացն պարտա[կան]է առաջի ԱՅ, ամէն:

Արձանագրության առաջին երեք տողերի վերջում փակագծերի մեջ վերցրած շարունակու-

7 Թ. Թորամանյանի՝ Ա. Քալանթարյանին ուղղված նամակից իմանում ենք, որ գյուղացիները որոշել են թափված քարերը օգտագործել եկեղեցու սեղանը սալահատակելու համար: Կոմիտեի ուղարկությունը հրավիրելով այդ հանգամանքի վրա, Թ. Թորամանյանը զգուշացնում է, որ դա միանգամայն անթույլատրելի է, քանի որ պատերից թափված քարերի մեջ կարող են լինել նաև արձանագրված քարեր: Թերևս հենց այդպիսի անփութություն զոհ է դարձել ինչպես այս, այնպես էլ Մխիթարի արձանագրությունը կրող երրորդ քարը (տե՛ս Թ. Թորամանյան, Նամակներ, էջ 341—342):

8 «Ստորագրութիւն կաթողիկէ էջմիածնի և հինգ գաւառացն Արարատայ», աշխատասիրութեամբ Յովհ. Շահխաթունեանցի, հ. 2, 1842, էջմիածին, էջ 173:

4 Թորոս Թորամանյան, Նամակներ, կազմեց և ծանոթագրեց Նազիկ Թորամանյանը: Երևան, 1968, էջ 341:

5 Թ. Թորամանյան, Նյութեր հայկական ճարտարապետության պատմության, II, Երևան, 1948, էջ 201:

6 Նախկինում մենք սխալմամբ միջնադարյան այս համալիրը վերադրել ենք Քուրդ Վաչուտյանին (տե՛ս Վաչուտյան իշխանների շինարարական գործունեությունը Ապարանի շրջանում, «Հայաստանի բնություն», 1980, պ. 2, էջ 39):

8 ԲԱՐԵՒՄԻՍԷԱՌՈՒԲԵԼԻՆ

9 + ԱՌԱԳՆ  
ԵԼՍՅԻՆԵԱ  
ԿԱՆԿԵՑԻԶ

10  
ՊԱԻՅ

11  
ԱՆՔՍԻ  
ԻՆԶԵԿ  
ԵՐԿՐՊ

13  
ԱՍԷԸԱԳԻՍՆ  
ՅԱԿՈՐԻ  
Թ ԹՂԷ

12 + ԱՅՍՏԱՆԹԱԸՆ ԿՅԸԱԿԱՌԴ  
ՍԻՍԵԻՈՂԱ

14  
ՊԱԻՅ  
ԱՍԷ  
ՇԱՆԳ  
ԻՍՅՅՈ  
ԿԱՆԿԵ  
ԻՅ

15  
ԱՅՍԷՆՈՒՄ  
ՇԵՐԻՆԱՐԻՆ  
ՈՐԱՍՅԵՆՈՒՄ  
ԿԻՑԻՍՏԻՍ  
ՄՈՒՐՔԱՆԱ  
ՆԻՆԻՍԻՍԳԵ  
ՂԵՑԻՔԵՐԵ  
ԳՈՂԵԼԻՈՐ  
ԿԱՂՃԱՆԷՑ  
ԹԿՆԻՍ


Գժ. II



ՆԿ. 3



թյունները փորագրված են եղել երրորդ քարի վրա, որն այժմ տեղում չէ: Իր ժամանակին արձանագրության այդ պակասող հատվածն արտագրել է Հ. Շահխաթունյանցը: Հետագայում Թ. Թորամանյանը տեղում տեսել է միայն արձանագրությունը կրող երկու քարերը և տո-



Նկ. 4

ղերը արձանատականորեն միացնելով արտագրել է որպես ամբողջական արձանագրություն<sup>9</sup>:

ԳԱՎԻԹ: Շքադուան վերևում, բարձրից (Նկ. 2, գծ. I, 2).

Շնորհիւ ողորմութեամբ] .....ս կանկն/եցի զխաչս ի բարեխաւսութիւն ինձ եւ ծնողաց ի/մոց: Խաչս զաւրաւոր է խիստ այս իմ: ԱՄ:

Արձանագրության անընթեռնելի հատվածը կոտրված է:

Շքադուան ձախ կողմում, պատի մեջ ագուցված խաչքարի աղեղնածև գոտու վրա (գծ. I, 3).

Ոտնամուրին է:

Հիշատակագրութեան խաչքարերի վրա: V դարի եկեղեցուց քսան մետր հյուսիս, երկու հոյակապ որմնափակ խաչքարերի ճակատակալ քարի վրա (Նկ. 3, գծ. I, 4).

ՁՄխիթարիչ աշական-իցի, որ ձեկվացուց/յիշէ:

Առաջին հրատարակիչ Հ. Շահխաթունյանցը, «որ ձեկվացուց» բառերի փոխարեն կարդացել

է «որթեկա»<sup>10</sup>, Ալիշանը նույնը ուղղել է «որ» (դի)վա...<sup>11</sup>: Այդ շփոթն առաջացել է Ե և ձ տառերը իրար տակ գրած լինելու հետևանքով: «Ձեկվացուց» բառն այստեղ գործածվել է նախագծող-ձևող-քանդակող-կառուցող իմաստով: Մեծ լեզվաբան Հ. Աճառյանը «ձեկվացուց» բառը համարում է բնիկ հայ բառ և գրում է, որ այն ունի «կերպ, ձև, ձև տալու համար»<sup>12</sup> իմաստ: Մեղ թվում է, որ հենց այս Մխիթարիչը կարող է լինել Աստվածածին եկեղեցու և գավթի շինարար-ճարտարապետը և Տեղերի կառուցող, նշանավոր Աղբայրիկի ժամանակակիցը: Այսպես նրան իրավունք չէր տրվի եկեղեցուց մի քանի տասնյակ մետր հեռու խաչքար կանգնեցնել և դրա ճակատին փորագրել իր անունը:

Գավթի ներսում գտնվող խաչքարի բնկորի ճակատին և խաչի ձախակողմյան թևի եզրին (գծ. I, 5).

Ս[ուր]բ խաչս բար (շարունակությունը չի փորագրվել)՝ Վարդան երեց[ին]: Թվ[ին] Ռ (1551):

Կաթողիկե եկեղեցու ձախ կողմում դրված սալանման սյան ճակատին (գծ. I, 6).

Ես՝ Հեղնայ, ախախին Ք[րի]ս[տոս]ի/Թվ[ին] Ռ (1621):

Գավթի ներսում, եկեղեցու մուտքի ձախ կողմում դրված խաչքարի ճակատին (գծ. I, 7).

Ս[ուր]բ խաչս Խամիկին: Գավթի ներսում, նախորդից աջ դրված խաչքարի ճակատին (գծ. I, 8).

Բարեխաւս է Առաքելին:

Գավթի ներսում, բառակուսի քարի երեսին (գծ. II, 9).

Առա[ք]ելիս յիշեալ/Կանկ[ն]եցի զ[խաչս]:

Գավթի ներսում, կոտրված խաչքարի կենտրոնական, բեկորին գոտու վրա (գծ. II, 10).

... Դաւթ[ի]...

Գավթի ներսում, քարաբեկորի վրա (գծ. II, 11).

..../[միաբ]անքս ի/....ինձ եւ/երկրպ[ա]գել]...

Տապանագրեր: Գյուղի հյուսիսային կողմում, փոքրիկ հարթության վրա գտնվող երկթեք տապանաքարի վրա (գծ. II, 12).

10 Հ. Շահխաթունյանց, Ստորագրություն..., էջ 174:

11 Ղ. Ալիշան, Այրարատ, Վեներտիկ, 1890, էջ 251:

12 Հ. Աճառյան, Հայերեն արձանատական բառարան, հ. 5, Երևան, 1977, էջ 150:

9 Թ. Թորամանյան, Նյութեր, II, էջ 202:

Այս [է] հանգստարան կըտակա որդ[ո]րի-  
մեռնա.....

Տապանագրի շարունակութիւնը հողմնահար-  
ձած է: Տապանաքարի ձևը, նրա վրա փորա-  
գրված տառերը VI—VII դդ. կնիքն են կրում:

Մխիթար Օշականցու որմնափակ խաչքարի  
աջ կողմում, սալանման տապանաքարի վրա  
(գծ. II, 13).

Այս է հանգիս[տ]ի/Յակոբի: թվ[ի]ն ՌՂէ  
(1648):

Նախորդ տապանաքարի ձախ կողմում, սա-  
լանման տապանաքարի վրա (գծ. II, 14).

Թվ[ի]ն ՌՃԾ (1656): Այս է/հանգ-իստ Յո-/  
վանիս[ի]թ[ա]հ[անայի]:

Որմնափակ խաչքարի ձախ կողմում, սա-  
լանման տապանաքարի վրա (նկ. 4, գծ. II, 15).

Այս է տապան/Հեղինարին, որ սայ կողմ/ի  
կից է տ[է]ր Ա[ստուա]ծա/տուր քահանային.

խիստ գեղեցիկ էր և/գոզելի: Որ/ վաղճանէ-  
թ[աւ] թվ[ի]ն ՌՃԿԸ (1719):

Ինչպես տեսնում ենք Մուսվանում ևս առկա

են 1604 թ. հետո փորագրված արձանագրու-  
թիւններ (գրանցից երեքը տապանագրեր են),  
որոնք իրավունք են տալիս ասելու, որ Շահ-  
Աբասի բռնագաղթից ընդամենը երկու-երեք  
տասնամյակ հետո գյուղում դարձյալ հայեր են  
բնակվել: Նույն երևույթը մենք արդեն նշել ենք  
Ջոզունի գյուղի օրինակով<sup>13</sup> (Ջոզունին Մուսվ-  
յանից հեռու է 2,5 կիլոմետր) և այժմ համոզ-  
ված ասում ենք, որ սխալ է այն կարծիքը, ըստ  
որի «XVII դարի սկզբներին պարսկա-թուրքա-  
կան երկարատև պատերազմների հետևանքով  
Ապարանը հիմնովին ավերվեց, փաստորեն ա-  
մայացավ»<sup>14</sup> և միայն 1830-ական թթ. այստեղ  
կրկին հայ բնակչութիւն հաստատվեց:

Վ. Մ. ՊԵՏՐՈՍՅԱՆՑ

<sup>13</sup> Տե՛ս Վ. Պետրոսյանց, Ջոզունիի  
արձանագրութիւնները, «Պատմա-բանասիրա-  
կան հանդես», 1980, № 3, էջ 306:

<sup>14</sup> «Արագած, բարև արա» (Ապարանի ժո-  
ղովրդական երգեր և պարերգեր), հավաքեց,  
կազմեց և առաջաբանը գրեց Վ. Ա. Մելքոնյանը,  
Երևան, 1977, էջ 4: